



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

45. Cum sicut &c. Declaratio nullitatis Precum Primariarum, Sacro Romano Imperio vacante, à Vicariis, seu Provisoribus Imperialibus expeditarum, & quarumcumque provisionum, earumdem Precum vigore ...

---

[urn:nbn:de:hbz:466:1-74859](https://nbn-resolving.org/urn:nbn:de:hbz:466:1-74859)



jurare, & observare renuerit, ejiciatur extra Capitulum, voceque activa, & passiva pro eadem vice careat, sicque lis extincta remaneat.

§. 8. Præterea mandamus, ut hæ provisiones nostræ in quatuor Capitulis Generalibus proximis servari debeant, usque completis perseverent, si dissensiones cessaverint, sin minus ad Nos, seu Romanum Pontificem pro tempore existentem recursus pro nova provisione fieri debeat.

§. 9. Decernentes easdem præsentis literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit, in omnibus, & per omnia plenissimè suffragari, & ab eis respectivè inviolabiliter observari, sicque, & non aliter in præmissis, per quoscumque Judices Ordinarios, & delegatos, etiam causarum Palatii Apostolici Auditores, ac S. R. E. præfata Cardinales, etiam de latere Legatos, & Apostolicæ Sedis Nuncios, sublatâ eis, & eorum cuilibet quâvis aliter judicandi, & interpretandi facultate, & auctoritate, judicari, & definiti debere, ac irritum, & inane si secus super his à quoquam quâvis auctoritate scienter, vel ignoranter contigerit attentari.

§. 10. Quo circa Venerabili Fratri Episcopo Asturicen., vel eo absente, seu impedito, Venerabili etiam Fratri Episcopo Calaguritano per præsentis committimus, & mandamus, quatenus ipse per se, vel per alium, seu alios easdem præsentis literas, & in eis contenta quæcumque ubi, & quando opus fuerit, & quoties pro parte interesse habentium, seu alicujus eorum fuerit requisitus, solemniter publicans, illisque in eisdem præmissis efficaciam defensionis prædicio assistens faciat auctoritate nostrâ illos, & eorum quemlibet præsentium literarum, & in eis contentorum hujusmodi commodo, & effectû pacificè frui, & gaudere, non permittens illos desuper quomodolibet indebitè molestari, perturbari, & inquietari Contradiçores quoslibet, & Rebelles per censuras, & pœnas Ecclesiasticas, aliaque opportuna juris, & facti remedia appellacione postpositâ compescendo, legitimisque super his habendis servatis processibus, censuras, & pœnas ipsas etiam iteratis vicibus, aggravando; invocato etiam si opus fuerit, auxilio brachii sæcularis.

§. 11. Non obstant, quoad ea, quæ præsentibus sunt contraria præfatis utriusque Clementis Prædecessorum literis, aliisque omnibus, & singulis præmissis, & quatenus opus sit, de non tollendo jure quæsitio, aliisque nostris, & Cancellariæ Apostolicæ, regulis, necnon rec. mem. Bonifacii Papæ VIII. Prædecessoris pariter nostri de unâ, & Concilii Generalis de duabus dietis, dummodo ultra tres dietas aliquis auctoritate præsentium in Judicium non trahatur, aliisque Constitutionibus, & Ordinationibus Apostolicis, ac quatenus opus sit, Congregationis, & Monasteriorum, ac Ordinis hujusmodi, aliisque quibusvis etiam jramento, confirmatione Apostolicâ, vel quâvis firmitate aliâ roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis; Quibus omnibus, & singulis illorum tenores pro plenè, & sufficienter expressis, & ad verbum insertis habentes, illis aliâ in suo robore permanens, ad præmissorum effectum hac vice duntaxat specialiter, & expressè derogamus, cæterisque contrariis quibuscumque.

§. 12. Volumus autem, ut præsentium literarum transumptis, seu exemplis etiam impressis manu alicujus Notarii publici subscriptis, & sigillo Personæ in Dignitate Ecclesiasticâ constitutæ munitis eadem prorsus fides in judicio, & extra illud adhibeatur, quæ ipsis præsentibus adhibetur

si forent exhibitæ, vel ostensæ. Datum Romæ apud Sanctam Mariam Majorem sub annulo Piscatoris die III. Octobris MDCCX. Pontificatus nostri Anno Decimo.

F. Oliverius.

DECLARATIO

XLV.

Nullitatis Precum Primariarum, Sacro Romano Imperio vacante, à Vicariis, seu Provisoribus Imperialibus expeditarum, & quorumcumque provisionum, earundem Precum vigore factarum, seu faciendarum.

CLEMENS PAPA XI.

Ad futuram rei memoriam.

Cum, sicut accepimus, in præsentis Sac. Romani Imperii Interregno Vicariorum, seu Provisorum Imperialium nuncupatorum nomine, nec non assertorum jurium illis competentium obtentu preces quædam, quas primarias vocant, quamplurimum Collegiatarum, & forsitan etiam Cathedralium, ac Metropolitanarum Ecclesiarum Præfultibus, Capitulis, & Canonicis, aliisque diversorum Beneficiorum Ecclesiasticorum tam Sæcularium, quàm Regularium, in variis ejusdem S. R. I. ac potissimum Germaniæ Inferioris partibus consistentium Collatoribus, seu Collatricibus directæ, pro Canonicatibus, & Præbendis Ecclesiarum hujusmodi, cæterisque Beneficiis præfatis, nonnisi certis personis vigore earundem precum commendatis, per eos, ad quos pertinet, conferendis, concessæ, expeditæ, ac præsentatæ, & forsitan etiam aliqua effectum suum sortitæ fuerint; Explorati verò juris sit nemini fas esse absque hujus Sanctæ Sedis Indulto quempiam ad Canonicatus, & Præbendas, aliaque Beneficia hujusmodi sic commendatis conferenda, compellere: satisque insuper omnibus notum sit quàm apixis dudum, & pluries tam à Nobis sive per diversas Nostras in simili forma Brevis literas, sive aliâs, quàm à Nostris & ejusdem Sedis Nunciis jussu nostro iteratis ordinationibus, & decretis, illasmet similes primarias preces, quæ à cla. mem. Josepho, dum viveret, Romanorum Rege in Imperatorem electo porrectæ, seu expeditæ fuerunt, utpote Apostolicæ auctoritatis munimine destitutas, nullatenus admittendas, sed penitus, & omnino rejiciendas, ac repellendas fuisse, & esse mandaverimus, & declaraverimus.

§. 1. Hinc est, quòd Nos, qui jurium Ecclesiasticorum assertores in Terris à Domino constituti sumus, ac proinde tam gravem Laicalis potestatis abusum dissimulare non possumus, libertatem, Immunitatem, ac Jurisdictionem Ecclesiasticam, quantum Nobis ex alto conceditur, sartam, tectamque, atque illibatam tueri, & conservare cupientes, ac omnium, & singulorum, quæ in præmissis, seu eorum occasione quovis modo acta, & gesta fuerunt, tenores, & datas, ac circumstantias quascumque; Personarum verò, à quibus illa, vel eorum aliquod respectivè emanarunt, qualitates, dignitates, nomina, & cognomina, & alia quæcumque, etiam specificam, & individuum mentionem, & expressionem requirentia, præsentibus pro plenè, & sufficienter expressis, & exactè specificatis habentes: Motu proprio, ac ex certâ scientiâ, & matura deliberatione Nostris, deque Apostolicæ Potestatis plenitudine: Omnes, & singulas primarias preces supradictas, prætextu ejusmodi S. R. I. assertorum Vicarialium jurium, pro quorumvis Canonicatum, & Præ-

Procemium, in quo narrat notitiam habuisse precum primariarum vacante Imperio, à Vicariis, seu Provisoribus Imperialibus expeditarum.

Similes preces ab Imperatore Josepho expeditas rejectit.

Ejusmodi preces nullas declarat, ac ubicumque repelli mandat.

Clauſula ſublata, & decretum irritans.

Nominantur Executores.

Præſcribitur executio omni appellacione poſtpoſita, & publicatio præſentium literarum, & pœnæ contra Rebelles.

Derogatur contrariis, & expreſſè Brevis Clementis IX. & Clementis X.



beneficiam, aliorumque Beneficiorum Ecclesiasticorum, sive Sæcularium, sive Regularium cuiusvis Ordinis, seu Institutum collatione, quibusvis Canonice, & Præbendarum, aliorumque Beneficiorum huiusmodi Collatoribus, seu Collatricibus ad favorem quarumvis Personarum hæcenus quomodolibet porrectas, & præsentatas, ac (quod absit) in posterum porrigendas, & præsentandas, cum omnibus, & singulis inde secutis, & quodcumque secuturis, penitus, & omnino illicitas, nullas, irritas, & invalidas, viribusque, & effectu vacuas, & de facto attentatas nulliusque roboris, & momenti fuisse, esse, & fore, nec ullatenus attendi debuisse, nec debere; Sed illas, perinde ac si nunquam factæ fuissent, vel emanassent, neque unquam fierent, vel emanarent, pro non extantibus, & non factis semper habendas esse; Collationes insuper, & provisiones earum intuitu factas, & faciendas irritas declarat, & nemini suffragari debere pronuntiat.

Collationes insuper, & provisiones earum intuitu factas, & faciendas irritas declarat, & nemini suffragari debere pronuntiat.

§. 2. Decernentes etiam eandem præsentem litteras, & in eis contenta quæcumque, etiam ex eo quod quicumque in præmissis interesse habentes, seu habere quomodolibet prætendentes, cuiusvis status, gradus, ordinis, præminentia, & dignitatis existant, seu alias specificæ, & individua mentione, & expressione digni, illis non consenserint, seu ad ea vocati, citati, & auditi, causæque, propter quas præsentem emanarint, sufficienter adductæ, verificatæ, & iustificatæ non fuerint, aut ex alia quolibet, etiam quantumvis juridicâ, & privilegiatâ causâ, colore, prætextu, & capite, etiam in corpore juris clauso, etiam enormis, enormissimæ, & totalis læsionis, nullo unquam tempore de subreptionis, vel obreptionis, aut nullitatis vitio, aut intentionis nostræ, vel interesse habentium consensus, aliove quolibet etiam quantumvis magno, & substantiali, ac incogitato, & inexcogitabili, individuaque expressionem requirente defectu notari, impugnari, infringi, retractari, in controversiam vocari, aut ad terminos juris reduci, seu adversus illos apositionis oris, restitutionis in integrum, aliudve quodcumque juris, facti, vel gratiæ remedium intentari, vel impetrari, aut impetrato seu etiam motu, scientiâ, & potestatis plenitudine paribus concessio, vel emanato quempiam in iudicio, vel extra illud uti, seu se juvare ullo modo posse; sed ipsas præsentem litteras semper firmas, validas, & efficaces existere, & fore, suosque plenarios, & integros effectus fortiri, & obtinere, ac ab illis, ad quos spectat, & pro tempore quodcumque spectabit, inviolabiliter, & inconcussè observari. Sicque, & non aliter in præmissis per quoscumque Iudices, Ordinarios, & Delegatos, etiam causarum Palatii Apostolici Auditores, ac Sanctæ Romanæ Ecclesiæ Cardinales, etiam de latere Legatos, & Sedis præditæ Nuncios, aliove quolibet quacumque præminentia, & potestate fungentes, & functuros; sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiri debere, ac ir-

Cum clausula sublata, & decreto irritanti.

ricum, & inane, si fecus super his à quoquam, quavis auctoritate, scienter, vel ignoranter contigerit attentari. Non obstantibus præmissis, ac quatenus opus sit, nostrâ, & Cancellariæ Apostolicæ Regulâ de iure quæsto non tollendo, aliisque Constitutionibus, & Ordinationibus Apostolicis, nec non quibusvis, etiam iuramento, confirmatione Apostolicâ, vel quavis firmitate aliâ roboratis statutis, & consuetudinibus, ac usibus, & styliis, etiam immemorabilibus; Privilegiis quoque, Indultis, & literis Apostolicis Personis quibuslibet, etiam quacumque Ecclesiasticâ, vel mundanâ dignitate fulgentibus, & aliis quomodolibet qualificatis, ac specialem expressionem requirentibus, sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, irritantibusque & aliis decretis, etiam motu, scientiâ, & potestatis plenitudine similibus, ac consistorialiter, & aliis quomodolibet in contrarium præmissorum concessis, editis, factis, ac pluries iteratis, & quantumcumque vicibus approbatis, confirmatis & innovatis.

§. 3. Quibus omnibus, & singulis, etiam si pro illorum sufficienti derogatione de illis, eorumque totis tenoribus specialis, specificæ, expressæ, & individua, ac de verbo ad verbum, non autem per clausulas generales idem importantes, mentio, seu quævis alia expressio habenda, aut aliqua alia exquisita forma ad hoc servanda foret, tenores huiusmodi, ac si de verbo ad verbum, nihil penitus omisso, & formâ in illis traditâ observata exprimerentur, & inferrentur, præsentibus pro plenè, & sufficienter expressis, & insertis habentes, illis aliis in suo robore permanfuris ad præmissorum effectum hac vice dumtaxat specialiter, & expressè derogamus, ac derogatum esse volumus, cæterisque contrariis quibuscumque. Volumus autem, ut earundem præsentium litterarum transumptis, seu exemplis, etiam impressis, manu alicujus Notarii publici subscriptis, & sigillo Personæ in Ecclesiastica dignitate constitutæ munitis, eadem prorsus fides tam in iudicio, quam extra illud, ubique adhibeatur, quæ eisdem præsentibus, adhiberetur, si forent exhibitæ, vel ostensæ. Datum Romæ apud Sanctam Mariam Majorem sub Anno Piscatoris die tertiâ Octobris MDCCXI. Pontificatus Nostri Anno XI.

F. Oliverius.

#### DECLARATIO

Nullitatis quamplurium Decretorum, Ordinationum, Mandatorum, Edictorum, aliorumque gestorum in Hispaniis Libertati, Immunitati, & Jurisdictioni Ecclesiasticæ, atque Autoritati Apostolicæ præjudicialium, cum eorum omnium damnatione, revocatione, & abolitione: firmis remanentibus Ecclesiasticis censuris Apostolicæ Sedi reservatis per eos, qui illa perpetrarunt quovis modo incurfis.

#### CLEMENS PAPA XI.

Ad futuram rei memoriam.

Aliis ad Apostolatus nostri notitiam delatis, quæ non ita pridem in Regnis Hispaniarum, non minus adversus sanctiora quævis Ecclesiæ Jura & libertates, quam adversus Nostram, & Apostolicæ Sedis Dignitatem, ac Jurisdictionem per Sæculi potestatem, non sine

Derogatio amplissima, quibus, unquamque contrariis.

XLVI.

Exponuntur gesta in Regnis Hispaniarum adversus Dignitatem, ac Jurisdictionem S. Sedis

maximo